

Publication	Astro Awani	Section / Page	Online	Date	25 February 2021
Headline	Takaful Antara Saham Paling Untung Pada Urus Niaga Pagi Ini				

KUALA LUMPUR: Syarikat Takaful Malaysia Keluarga Bhd (Takaful) muncul antara saham yang mencatatkan keuntungan pada awal urus niaga pagi ini selepas syarikat itu mencatatkan keputusan kewangan yang lebih baik daripada jangkaan untuk tahun kewangan berakhir 31 Dis, 2020.

Pada pukul 10.36 pagi, saham Takaful meningkat 27 sen kepada RM4.63 daripada RM4.36 ketika ditutup pada petang Selasa dengan sejumlah 686,900 saham diniagakan.

Dalam makluman kepada Bursa Malaysia semalam, Takaful menyatakan keuntungan bersih yang diraih pada suku keempat tahun kewangan 2020 melonjak 37.3 peratus tahun ke tahun kepada RM103.2 juta, didorong oleh penjimatan daripada perbelanjaan pengurusan.